

11/24 мая 2020 года

НЕДЕЛЯ 6-я по ПАСХЕ, о слепом.

Равноап. Мефодия и Кирилла.

**Последование часов и обедницы
для домашнего (келейного) совершения**

ЧАС ТРЕТИЙ

Молитвами святых отец наших, Господи Иисусе Христе, Боже наш, помилуй нас.

Христос воскрес из мертвых, смертию смерть поправ и сущим во гробех живот даровав. Трижды.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Я**ко Твое есть Царство и сила и слава во веки. Аминь. (Мф. 6: 9-13)]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадём Самому Христу, Цареве и Богу нашему.

Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретется во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгоняции мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитая в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, вегда явити ми ся славе Твоей.

Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мой, ибо вси терпящие Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Видь смирение мое, и труд мой, и остави вся грехи моя. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко

уповах на Тя. Незлѣбиви и прѣвии прилепяхуся мне, яко потерпѣх Тя, Господи. Избави, Бѣже, Израїля от всех скорбѣй его.

Псалѣм 50

Помилуй мя, Бѣже, по велицей милости Твоей, и по множеству щедрот Твоих очисти беззаконіе мое. Наипаче омый мя от беззаконія моего, и от грѣха моего очисти мя; яко беззаконіе мое аз знаю, и грѣх мой предо мною есть вина. Тебѣ единому согрѣших, и лукавое пред Тобою сотворих; яко да оправдишися во словесех Твоих, и победиши, внегда судити Ти. Се бо в беззаконіих зачат есмь, и во грѣсех роди мя мати моя. Се бо истину возлюбил еси, безвѣстная и тайная премудрости Твоея явил ми еси. Окропиши мя иссопом, и очыщуся; омыеши мя, и паче снѣга убелюся. Слуху моему даши радость и веселіе; возрадуются кости смиренныя. Отврати лице Твое от грѣх моих, и вся беззаконія моя очисти. Сердце чисто созижди во мне, Бѣже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасенія Твоего, и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избави мя от кровей, Бѣже, Бѣже спасенія моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотѣл еси жертвы, дал бых убо: всесожженія не благоволиши. Жертва Богу дух сокрушен; сердце сокрушено и смиренно Бог не унижит. Ублажи, Господи, благоволеніем Твоим Сиона, и да созиждутся стѣны Иерусалимския. Тогда благоволиши жертву правды, возношеніе и всесожегаемая; тогда возложат на олтарь Твой тельцы.

Слава, и ныне:

Аллилуїа, аллилуїа, аллилуїа, слава Тебѣ Бѣже. **Трижды.**

Господи, помилуй. **Трижды.**

ТРОПАРЬ ВОСКРЕСНЫЙ, ГЛАС 5:

Собезначальное Слово Отцу и Духови,/ от Дѣвы рождаемое на Спасеніе наше,/ воспойм, вернии, и поклонимся;/ яко благоволи Плотию взѣти на Крест,/ и смерть претерпѣти,/ и воскресити умершия// славным воскресеніем Своим.

Слава:

Тропарь святых, глас 4:

Яко апостолом единоправнии/ и словенских стран учителя,/ Кирилле и Мефодіе Богомудрии,/ Владыку всех молите,/ вся языки

словѣнскія утвердѣти в Правослѣвїи и единомыслии,/ умирѣти мир/ и спасти души наша.

И ныне:

Богородичен:

Богородице, Ты еси лоза истинная, возрастившая нам Плод живота, Тебе молимся: молися, Владычице, со святыми апостолы помилovati души наша.

Таже:

Господь Бог благословен, благословен Господь день дне, поспешит нам Бог спасений наших, Бог наш, Бог спасти.

Святый Боже, Святый Крепкий, Святый Безсмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков.
Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **Трижды. Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Кондак святых, глас 3:

Священную двоицу просветителей наших почтим,/ Божественных писаний преложением источник Богопознания нам источивших,/ из негоже даже донесь неоскудно почерпающе,/ ублажаем вас, Кирилле и Мефодие,/ Престолу Вышняго предстоящих/ и тепле молящихся о душах наших.

Господи, помилуй. 40.

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многоимлостиве, Многоблагодарне, Иже праведныя любяй и грешныя

милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедям Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступная Твоея славы, яко благословен еси во веки веков, аминь.

Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Молитвами святых отец наших, Господи Иисусе Христе, Боже наш, помилуй нас.

И молитву сию, святого Мардария:

Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешного, и имиже веши судьбами, спаси мя, недостойного раба Твоего, яко благословен еси во веки веков. Аминь.

ЧАС ШЕСТЫЙ

Христос воскрес из мертвых, смертию смерть поправ и сущим во гробех живот даровав. Трижды.

Псалом 53

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложаша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя воззрело око мое.

Псалом 54

Внуши, Боже, молитву мою и не презри моления моего. Вонми ми и услыши мя: возскорбех печалию моею и смятохся. От глаза вражия и от стужения грешника, яко уклоняша на мя беззаконие и во гневе враждовашу ми. Сердце мое смятется во мне и боязнь смерти нападет на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающего мя от малодушия и от бури. Потопи, Господи, и раздели языки их: яко видех беззаконие и пререkanie во граде.

Днем и ночью обыдет и по стенам его. Беззаконие и труд посреде его и неправда. И не оскуде от стогн его лихва и лесть. Яко аще бы враг поносил ми, претерпел бых убо, и аще бы ненавидяй мя на мя велеречевал, укрыл бых ся от него. Ты же, человеце равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да придет же смерть на ня, и да снйдут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и зутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче ела, и та суть стрелы. Возврати на Господа печаль твою, и Той тя препитает, не даст в век молвы праведнику. Ты же, Боже, низведши их во студенец истления, мужие кровей и лести не преполовят дней своих. Аз же, Господи, уповаю на Тя.

Псалом 90

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убойшия от страха ночнаго, от стрелы летящия во дни, от вещи во тме преходящия, от сряца и беса полуденнаго. Падет от страны твоея тысяща, и тма одесную тебе, к тебе же не приближится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приближится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрью и, яко позна имя Моё. Воззовет ко Мне и услышу его, с ним есмь в скорби, изму его и прославлю его, долготою дний исполню его и явлю ему спасение Моё.

Слава, и ныне:

Аллилуиа, аллилуиа, аллилуиа, слава Тебе Боже. **Трижды.**

Господи, помилуй. **Трижды.**

ТРОПАРЬ ВОСКРЕСНЫЙ, ГЛАС 5:

Собезначальное Слово Отцу и Духови,/ от Девы рождаемое на Спасение наше,/ воспойм, вернии, и поклонимся;/ яко благоволи Плотию взяти на

Крест,/ и смерть претерпéти,/ и воскресíти умéршия// слáвным воскресéнием Своím.

Слáва:

Тропарь святых, глас 4:

Я́ко апóстолом единонрáвнии/ и словéнских стран учíteлие,/ Кири́лле и Мефóдие Богомúдрии,/ Влады́ку всех моли́те,/ вся язýки словéнския утверди́ти в Правослáвии и единомы́слии,/ умири́ти мир/ и спасти́ ду́ши нáша.

И ны́не:

Богородичен:

Я́ко не íмамы дерзновéния за премно́гия грехи́ нáша, Ты íже от Тебé Рóждшагося моли́, Богорóдице Дéво, мно́го бо мо́жет молéние Мáтернее ко благосéрдию Влады́ки. Не прéзри грéшных мо́льбы, Всечы́стая, я́ко мýлостив есть и спасти́ могый, Íже и страдáти о нас изво́ливый.

Та́же:

Скóро да предваря́т ны щедрóты Тво́я, Гóсподи, я́ко обнищáхом зелó; помози́ нам, Бóже, Спáсе наш, слáвы рáди Íмене Твоегó, Гóсподи, избáви нас и очы́сти грехи́ нáша, Íмене рáди Твоегó.

Святый́ Бóже, Святый́ Крéпкий, Святый́ Безсмéртный, помíлуй нас. **Трижды.**

Слáва Отцú и Сы́ну и Свято́му Дúху, и ны́не и прíсно и во вéки веко́в. **Ами́нь.**

Пресвятáя Трóице, помíлуй нас; Гóсподи, очы́сти грехи́ нáша; Влады́ко, прости́ беззакóния нáша; Святый́, посети́ и исцели́ нéмощи нáша, íмене Твоегó рáди.

Гóсподи, помíлуй. **Трижды. Слáва, и ны́не:**

Óтче наш, Íже еси́ на Небесéх, да святíтся íмя Твоé, да приидет Цáрствие Твоé, да бóдет во́ля Тво́я, я́ко на Небеси́ и на землй́. Хлеб наш насущный да́ждь нам днесь; и оста́ви нам до́лги нáша, я́коже и мы оставля́ем должникóм нáшим; и не введи́ нас во искушéние, но избáви нас от лука́ваго.

[Я́ко Твоé есть Цáрство и сýла и слáва во вéки. **Ами́нь.** (Мф. 6: 9-13)]

Кондак Триоди (о слепóм), глас 4:

Душе́вными очы́ма ослеплén,/ к Тебé, Христé, прихождú,/ я́коже слепый́ от рождéния,/ покая́нием зовú Ти:// Ты сýщих во тьме Свет пресвётлый.

Господи, помилуй. 40.

Иже на всякое время и на всякий час, на Небеси и на земли, покланяемый и славимый, Христэ Бже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Молитвами святых отец наших, Господи Иисусе Христэ, Бже наш, помилуй нас.

И молитву сию святого Великого Василия:

Бже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердце наших в словеса или помышления лукавствия, но любовью Твоею уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков. Аминь.

ЧИН ОБЕДНИЦЫ

Христос воскрес из мертвых, смерть поправ и сущим во гробех живот даровав. Трижды.

Благослови, душе моя, Господа: благословен еси, Господи.

Псалом 102

Благослові, душе моя, Господа, и вся внутренняя моя, имя святое Его. Благослові, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истребления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Скажи пути Своя Моисею, сыновом Израилевым хотения Своя. Щедр и милостив Господь, долготерпелив и многомилостив. Не до конца прогневается, ниже во век враждует. Не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет: яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, слышати глас словес Его. Благословите Господа, вся силы Его, слуги Его, творящии волю Его. Благословите Господа, вся дела Его, на всяком месте владычества Его, благослові, душе моя, Господа.

Слава Отцу, и Сыну, и Святому Духу.

Псалом 145

Хвали, душе моя, Господа. Восхваляю Господа в животé моём, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его, и возвратится в землю свою: в той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы, Господь возводит низверженныя, Господь любит праведники. Господь хранит пришельцы, сира и вдову примет, и путь грешных погубит. Воцарится Господь во век, Бог твой, Сионе, в род и род.

И ныне и присно, и во веки веков. Аминь.

Единородный Сыне, и Слове Божий, Безсмертен Сый, и изволивый спасения нашего ради воплотиться от Святыя Богородицы и Приснодевы

Марии, непреложно вочеловечивыйся, распныйся же, Христэ Бóже, смёртию смерть поправый, едйн Сый Святыя Троицы, прославляемый Отцу и Святому Духу, спаси нас.

БЛАЖЕННЫ

Во Царствии Твоём, помяни нас, Господи, егда приидеши во Царствии Твоём.

На 12: Блажени нищии духом, яко тех есть Царство Небесное.

Разбойник на кресте Бóга Тя быти веровав, Христэ,/ исповеда Тя чисте от сердца, // помяни мя, Господи, вопия, во Царствии Твоём.

Блажени плачущии, яко тии утешатся.

Иже на Древе Крестнем/ жизнь процветшаго роду нашему,/ и изсушивша юже от древа клятву, // яко Спаса и Содетеля согласно воспойм.

На 10: Блажени кротцыи, яко тии наследят землю.

Распеншу Ти ся, Христэ, посреде двою осужденною разбойнику,/ едйн убо хуля Тя, осужден бысть праведне: // другий же исповеда Тя, в рай вселися.

Блажени алчущии и жаждущии правды, яко тии насытятся.

Ко апостолов лику пришедша жены честныя,/ возопиша: Христос воскрес, // яко Владыце и Содетелю Тому поклонимся.

На 8: Блажени милостивии, яко тии помиловани будут.

Триоди (о слепом), глас 5:

Распныйся с разбойники, Владыко,/ избавил еси от разбойник лукавых, душегубных страстей, Человеколюбче Господи, // вся поющия Твое распятие и востание согласно.

Блажени чисти сердцем, яко тии Бóга узрят.

Положиша без дыхания Тебе мертва, Христэ, во гробе,/ всем мертвым вдыхающа жизнь:/ воскресл же еси, Господи, вся истощивый, Слове, гробы, // Божественною Твоею силою.

На 6: Блажени миротворцы, яко тии сынове Бóгии нарекутся.

Трипостасная Единице,/ Отче нерожденне, Сыне рожденне, и Душе исходне,/ Трисвятый Господи, едино Существо и сила, // спасай вся люди Твоя.

Блажéни изгнáни прáвды рáди, я́ко тех есть Цáрство Небéсное.

Величия Твоя́, Чíстая, кто исповесть?/ Бóга бо плóтию родилá еси́ преестéственно, // мир Тобóю избавляющаго, Дéво Всенепорóчная, от всякаго грехá.

На 4: Блажéни естé, егда́ понóсят вам, и изженúт, и рекúт всяк зол глагóл на вы, лжúще, Менé рáди.

Святых, глас 3:

Се, я́ко пучíна морская́, естество́ Бóжие есть, / непостижímое умóм и неизречéнное глагóлы, - / рекл еси́ ко агáрианом, премúдре Кири́лле, - / тую́ бо пучíну кромé свята́го Евáнгелия преплы́ти хотя́щий потопля́ются, не ве́дуще пéти: // я́ко Петра́ ны, Упрáвителью, спаси́.

Рáдуйтесь и веселíтесь, я́ко мзда ва́ша мно́га на Небесéх.

В бéздне рáзума лжеимéннаго углéбшии агáриане / та́йно яд смéртный предложíша тебé; / рекíй же во Евáнгелии Христóс: / я́ко áще что смéртно испиéте, не вредíт вы, - / соблюде́ тя цéла и с чéстию в Цáрствующий град возврати́. / Ты же, царéм и патриáрхом достóйно ублажа́емь, / не превознéлся еси́ и взывáти не престáл еси́: // я́ко Петра́ мя, Упрáвителью, спаси́.

Слáва: Дрéвле рекíй Божéственный Дух: / отдели́те Ми Варна́ву и Сávла на дéло, на нéже призвáх их; / подóбне и вас, отцы́ преподóбнии, / в словéнския страны́ послáти повелé, / и та́ко лю́дие, во тьме и сéни смéртней седя́щи, / свéтом учéния ва́шего просветíвшися, воззва́ша: / я́ко Петра́ ны, Упрáвителью, спасл еси́.

И ны́не: Бéздна послéдняя грехóв обы́де мя, / и, трéпетом одержíмь есмь, ужасáясь всеконéчнаго потоплéния. / Тэмже мольбú приношú Ти, Пренепорóчная: / помíлуй стра́стную мою́ дúшу, / простри́ рúку Твою́, я́ко Благáя, / и, я́ко Петра́ спасé Сын Твой, // та́ко мя, Упрáвительнице, спаси́.

ТРИСВЯТОЕ

Святы́й Бóже, Святы́й Крéпкий, Святы́й Безсмéртный, помíлуй нас. Трижды, и три поклона.

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Прокимен, апостол и Евангелие

(Недѣли о слепом и святых)

Прокімен, глас 8: Помолі́тесь и возда́дите/ Го́сподеви Бо́гу на́шему.

Стіх: Вѣдом во Иудѣи Бог, во Израіли ве́лие імя Его́.

Помолі́тесь и возда́дите/ Го́сподеви Бо́гу на́шему.

Прокімен святых, глас 7: Честна́ пред Го́сподем смерть преподо́бных Его́.

Дея́ний святы́х Апосто́л чтѣние.

Деяния святых Апостол, зачало 38: XVI, 16-34:

Во дни оны, бысть идущим апостолом на молитву, отроковица некая имущая дух пытлив срете нас, яже стяжание много даеше господем своим волхвующи. Та последовавши Павлу и нам, взываше глаголющи: сии человецы раби́ Бо́га Вы́шняго суть, іже возвещают нам путь спасения. Се же творяше на многи дни. Стужив же си Павел, и обращся, ду́хови рече: запрещаю ти іменем Исуса Христа, изыди из нея. И изыде в том часе. Видевше же господие ея, яко изыде надежда тяжания их, поемше Павла и Силу, влекоша на торг ко князем. И введше их к воеводам, реша: сии человецы возмущают град наш, иудее суще. И завещают обычаи, яже не достобит нам приимати, ни творити, римляном сущим. И снисдеся народ на них, и воеводы растерзавше им ризы, веляху палицами бити их. Многи же давше им раны, всадиша в темницу, завещавше темничному стражу твердо стрещи их. Іже таково завещание прием, всади их во внутреннюю темницу, и ноги их заби в кладе. В полунощи же Павел и Сила молящася пояста Бо́га, послушаху же их юзницы. Внезапу же трус бысть велий, яко поколебатися основанию темничному: отверзоша же ся абие двери вся, и всем юзы ослабеша. Возбуждся же темничный страж, и видев отверсты двери темницы, извлек нож, хотяше себе

уби́ти, мя избѣгша юзники. Возгласи́ же гла́сом ве́лиим Па́вел, глаго́ля: ничто́же сотвори́ себе́ зла, вси бо есмь́ zde. Проси́в же свещи́, вскочи́, и трѣпетен быв, припадѣ к Па́влу и Си́ле. И извѣд их вон, рече́: господа́не, что ми подоба́ет твори́ти, да спасу́ся? Они́ же рекоста́: ве́руй в Го́спода Иису́са Христа́, и спасе́шися ты, и весь дом твой. И глаго́ласта ему́ сло́во Господа́не, и всем ѝже в дому́ его́. И поѣм я́ в той же час но́щи, измы́ от ран, и кресті́ся сам и свой́ ему́ вси а́бие. Введ же я́ в дом свой, поста́ви трапѣзу, и возра́довася со всем до́мом своим, ве́ровав Бо́гу.

Русский перевод: В эти дни, случилось, что, когда мы шли в молитвенный дом, встрети́лась нам одна служанка, одержимая духом прорицательным, которая через прорицание доставляла большой доход господам своим. Идя за Павлом и за нами, она кричала, говоря: сии человеки - рабы Бога Всевышнего, которые возвещают нам путь спасения. Это она делала много дней. Павел, вознегодовав, обратился и сказал духу: именем Иисуса Христа повелеваю тебе выйти из нее. И дух вышел в тот же час. Тогда господа ее, видя, что исчезла надежда дохода их, схватили Павла и Силу и повлекли на площадь к начальникам. И, приведя их к воеводам, сказали: сии люди, будучи Иудеями, возмущают наш город и проповедуют обычаи, которых нам, Римлянам, не следует ни принимать, ни исполнять. Народ также восстал на них, а воеводы, сорвав с них одежды, велели бить их палками и, дав им много ударов, ввергли в темницу, приказав темничному стражу крепко стеречь их. Получив такое приказание, он ввергнул их во внутреннюю темницу и ноги их забил в колоду. Около полуночи Павел и Сила, молясь, воспевали Бога; узники же слушали их. Вдруг сделалось великое землетрясение, так что поколебалось основание темницы; тотчас отворились все двери, и у всех узы ослабели. Темничный же страж, пробудившись и увидев, что двери темницы отворены, извлек меч и хотел умертвить себя, думая, что узники убежали. Но Павел возгласил громким голосом, говоря: не делай себе никакого зла, ибо все мы здесь. Он потребовал огня, вбежал в темницу и в трепете припал к Павлу и Силе, и, выведя их вон, сказал: государи мои! что мне делать, чтобы спастись? Они же сказали: веруй в Господа Иисуса Христа, и спасе́шься ты и весь дом твой. И проповедали слово Господне ему и всем, бывшим в доме его. И, взяв их в тот час ночи, он омыл раны их и немедленно крестился сам и все

домашние его. И, приведя их в дом свой, предложил трапезу и возрадовался со всем домом своим, что уверовал в Бога.

Апостол святых, ко Евреем (зачало 318: VII, 26 –VIII, 2):

Братие, таков нам подобаше Архиерей, преподобен, незлобив, безсквернен, отлучен от грешник и вышше Небес быв. Иже не имать по вся дни нужды, якоже первосвященницы, прежде о своих гресех жертвы приносити, потом же о людских: сие бо сотвори единою, Себе принес. Закон бо человеки поставляет первосвященники, имущия немощь, слово же клятвенное, еже по законе, Сына во веки совершенна. Глава же о глаголемых, такова имама Первосвященника, иже седе одесную Престола Величества на Небесех, святым служителю и скинии истинней, юже водрузи Господь, а не человек.

Русский перевод: Братия, таков и должен быть у нас Первосвященник: святой, непричастный злу, непорочный, отделенный от грешников и превознесенный выше небес, Который не имеет нужды ежедневно, как те первосвященники, приносить жертвы сперва за свои грехи, потом за грехи народа, ибо Он совершил это однажды, принеся в жертву Себя Самого. Ибо закон поставляет первосвященниками человек, имеющих немощи; а слово клятвенное, после закона, поставило Сына, на веки совершенного. Главное же в том, о чем говорим, есть то: мы имеем такого Первосвященника, Который воссел одесную престола величия на небесах и есть священнодействователь святилища и скинии истинной, которую воздвиг Господь, а не человек.

Глас 8: Аллилуия, аллилуия, аллилуия.

Стіх: Призри на мя, и помилуй мя.

Аллилуия, аллилуия, аллилуия.

Глас 2: Стіх: Священницы Твой облекутся в правду, и преподобнии Твой возрадуются.

Аллилуия, аллилуия, аллилуия.

Господи, помилуй. **Трижды.**

От Иоанна святого Евангелия чтение.

Слава Тебѣ, Господи, слава Тебѣ.

Евангелие от Иоанна (зачало 34: IX, 1 – 38):

Во время оно, мимоидый Иисус виде человека слепа от рождества. И вопросиша Его ученицы Его, глаголюще: Равви, кто согреши; сей ли, или родителя его, да слеп родися? Отвещая Иисус: ни сей согреши, ни родителя его, но да явятся дела Божия на нем. Мне подобает делати дела Пославшаго Мя, дондеже день есть: придет ночь, егда никтоже может делати. Егда в мире есмь, свет есмь миру. Сия рек, плюну на землю, и сотвори брение от плюновения, и помаза очи брением слепому. И рече ему: иди, умыйся в купели Силоамсте, еже скажется послан. Иде же, и умыйся, и прииде видя. Соседи же и иже бяху видели его прежде, яко слеп бе, глаголаху: не сей ли есть седяй и просяй? Овии глаголаху, яко сей есть: инии же глаголаху, яко подобен ему есть. Он же глаголаше, яко аз есмь. Глаголаху же ему: како ти отверзостся очи? Отвещая он и рече: Человек нарицаемый Иисус брение сотвори, и помаза очи мой, и рече ми: иди в купель Силоамлю, и умыйся. Шед же и умывся, прозрех. Реша же ему: кто Той есть? Глагола: не вем. Ведоша же его к фарисеям, иже бе иногда слеп. Бе же суббота, егда сотвори брение Иисус, и отверзе ему очи. Паки же вопрошаху его и фарисее: како прозрел? Он же рече им: брение положи мне на очи, и умыхся, и вижу. Глаголаху же от фарисейницы: несть Сей от Бога Человек, яко субботу не хранит. Овии глаголаху: како может человек грешен сицевая знамения творити? И распря бе в них. Глаголаху убо слепцу паки: ты что глаголеши о Нем, яко отверзе очи твой? Он же рече, яко пророк есть. Не яша убо веры иудее о нем, яко слеп бе, и прозрел, дондеже возгласиша родителя того прозревшаго. И вопросиша я, глаголюще: сей ли есть сын ваю, егже вы глаголете, яко слеп родися? Како убо ныне видит? Отвещаста же им родителя его, и реста: вемы, яко сей есть сын наю, и яко слеп родися. Како же ныне видит, не вемы: или кто отверзе ему очи, мы не вемы, сам возраст иматъ, самого вопросите: сам о себе да глаголет. Сия рекоста родителя его, яко боястася жидов: уже бо бяху сложилися жидове, да аще кто Его исповестъ Христа, отлучен сонмища да будет. Сего ради родителя его рекоста: яко возраст иматъ, самого вопросите. Возгласиша же вторичею человека, иже бе слеп, и реста ему: даждь славу Богу, мы вемы, яко Человек Сей грешен есть. Отвещая же он, и рече: аще грешен есть, не вем: едино вем, яко слеп бех, ныне же вижу. Реша же ему паки: что сотвори тебе; како отверзе очи твой? Отвещая им: рекох вам уже, и не слышати: что паки хощете слышати; еда и вы ученицы Его хощете быти? Они же укориша его, и реста ему: ты ученик еси Того, мы же Моисеовы есмь ученицы. Мы вемы, яко Моисеови глагола Бог: Сего же не вемы, откуда есть. Отвещая человек, и рече им: о сем бо дивно есть, яко вы не весте, откуда есть, и отверзе очи мой. Вем же, яко грешники Бог не послушает, но аще кто боготецъ есть, и волю Его творит, того послушает. От века несть слышано, яко кто отверзе очи слепу рождену. Аще не бы был Сей от Бога, не мог бы творити ничесоже. Отвещаша и реста ему: во гресех ты родися еси весь, и ты ли ны учиши? И изгнаша его вон. Услыша

Иисус, яко изгнаша его вон, и обрёт его, рече ему: ты веруеши ли в Сына Божия? Отвещая он, и рече: и кто есть, Господи, да верую в Него? Рече же ему Иисус: и видел еси Его, и глаголяй с тобою, Той есть. Он же рече: верую, Господи, и поклонися Ему.

Русский перевод: В то время, проходя, увидел человека, слепого от рождения. Ученики Его спросили у Него: Равви! кто согрешил, он или родители его, что родился слепым? Иисус отвечал: не согрешил ни он, ни родители его, но это для того, чтобы на нем явились дела Божии. Мне должно делать дела Пославшего Меня, доколе есть день; приходит ночь, когда никто не может делать. Доколе Я в мире, Я свет миру. Сказав это, Он плюнул на землю, сделал брение из плюновения и помазал брением глаза слепому, и сказал ему: пойдя, умойся в купальне Силоам, что значит: посланный. Он пошел и умылся, и пришел зрячим. Тут соседи и видевшие прежде, что он был слеп, говорили: не тот ли это, который сидел и просил милостыни? Иные говорили: это он, а иные: похож на него. Он же говорил: это я. Тогда спрашивали у него: как открылись у тебя глаза? Он сказал в ответ: Человек, называемый Иисус, сделал брение, помазал глаза мои и сказал мне: пойдя на купальню Силоам и умойся. Я пошел, умылся и прозрел. Тогда сказали ему: где Он? Он отвечал: не знаю. Повели сего бывшего слепца к фарисеям. А была суббота, когда Иисус сделал брение и отверз ему очи. Спросили его также и фарисеи, как он прозрел. Он сказал им: брение положил Он на мои глаза, и я умылся, и вижу. Тогда некоторые из фарисеев говорили: не от Бога Этот Человек, потому что не хранит субботы. Другие говорили: как может человек грешный творить такие чудеса? И была между ними распря. Опять говорят слепому: ты что скажешь о Нем, потому что Он отверз тебе очи? Он сказал: это пророк. Тогда Иудеи не поверили, что он был слеп и прозрел, доколе не призвали родителей сего прозревшего и спросили их: это ли сын ваш, о котором вы говорите, что родился слепым? как же он теперь видит? Родители его сказали им в ответ: мы знаем, что это сын наш и что он родился слепым, а как теперь видит, не знаем, или кто отверз ему очи, мы не знаем. Сам в совершенных летах; самого спросите; пусть сам о себе скажет. Так отвечали родители его, потому что боялись Иудеев; ибо Иудеи сговорились уже, чтобы, кто признает Его за Христа, того отлучать от синагоги. Посему-то родители его и сказали: он в совершенных летах; самого спросите. Итак, вторично призвали человека, который был слеп, и сказали ему: воздай славу Богу; мы знаем, что Человек Тот грешник. Он сказал им в ответ: грешник ли Он, не знаю; одно знаю, что я был слеп, а теперь вижу. Снова спросили его: что сделал Он с тобою? как отверз твои очи? Отвечал им: я уже сказал вам, и вы не слушали; что еще хотите слышать? или и вы хотите сделаться Его учениками? Они же укорили его и сказали: ты ученик Его, а мы Моисеевы ученики. Мы знаем, что с Моисеем говорил Бог; Сего же не знаем, откуда Он. Человек прозревший сказал им в ответ: это и удивительно, что вы не знаете, откуда Он, а Он отверз мне очи. Но мы знаем, что грешников Бог не слушает; но кто чтит Бога и творит волю Его, того слушает. От века не слыхано, чтобы кто отверз очи слепорожденному. Если бы Он не был от Бога, не мог бы творить ничего. Сказали ему в ответ: во грехах ты весь родился, и ты ли нас учишь? И

выгнали его вон. Иисус, услышав, что выгнали его вон, и найдя его, сказал ему: ты веруешь ли в Сына Божия? Он отвечал и сказал: а кто Он, Господи, чтобы мне веровать в Него? Иисус сказал ему: и видел ты Его, и Он говорит с тобою. Он же сказал: верую, Господи! И поклонился Ему.

Евангелие святых, от Матфея (зачало 11: V, 14-19):

Рече Господь Своим учеником: вы есте свет мира, не может град укрытиса верху горы стоя. Ниже вжигают светильника и поставляют его под спудом, но на свещнице, и светит всем, иже в храме суть. Тако да просветится свет ваш пред человеки, яко да видят ваша добрая дела и прославят Отца вашего, Иже на небесех. Да не мните, яко приидох разорити закон, или пророки: не приидох разорити, но исполнити. Аминь бо глаголю вам: дондеже преидет небо и земля, иота едина, или едина черта не преидет от закона, дондеже вся будут. Иже аще разорит едину заповедий сих малых и научит тако человеки, мний наречется в Царствии Небеснем, а иже сотворит и научит, сей великий наречется в Царствии Небеснем.

Русский перевод: Господь сказал Своим учеником: вы - свет мира. Не может укрыться город, стоящий на верху горы. И, зажегши свечу, не ставят ее под сосудом, но на подсвечнике, и светит всем в доме. Так да светит свет ваш пред людьми, чтобы они видели ваши добрые дела и прославляли Отца вашего Небесного. Не думайте, что Я пришел нарушить закон или пророков: не нарушить пришел Я, но исполнить. Ибо истинно говорю вам: доколе не преидет небо и земля, ни одна иота или ни одна черта не преидет из закона, пока не исполнится все. Итак, кто нарушит одну из заповедей сих малейших и научит так людей, тот малейшим наречется в Царстве Небесном; а кто сотворит и научит, тот великим наречется в Царстве Небесном.

Слава Тебе, Господи, слава Тебе.

Помяни нас, Господи, егда приидеши во Царствии Твоем. **Поклон.**

Помяни нас, Владыко, егда приидеши во Царствии Твоем. **Поклон.**

Помяни нас, Святый, егда приидеши во Царствии Твоем. **Поклон.**

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Стих: Приступите к Немю и просветитесь, и лица ваша не постыдятся.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.

Слава: Лик святых Ангел и Архангел со всеми Небесными Силами поет Тя и глаголет: Свят, Свят, Свят Господь Саваоф, исполнь Небо и земля славы Твоея.

И ныне: **В**ѣрую во еди́наго Бóга Отца́, Вседержи́теля, Творца́ Небу́ и земли́, ви́димым же всем и неви́димым. И во еди́наго Го́спода Иису́са Христа́, Сы́на Бóжия, Единоро́днаго, И́же от Отца́ рождѣннаго прѣжде всех век; Свѣта от Свѣта, Бóга и́стинна от Бóга и́стинна, рождѣнна, несотворѣнна, единосущна Отцу́, И́мже вся бы́ша. Нас ра́ди человек и нашего ра́ди спасѣния сше́дшаго с Небѣс, и воплотившагося от Ду́ха Свя́та и Мари́и Дѣвы, и вочеловѣчшася. Распя́таго же за ны́ при Понтийстем Пилáте, и страда́вша, и погребѣнна. И воскрѣсшаго в трѣтій день, по Писáнием. И возше́дшаго на Небеса́, и седя́ща одесну́ю Отца́. И па́ки грядущаго со сла́вою суди́ти живы́м и мѣртвым, Егóже Цáрствию не бѣдет конца́. И в Ду́ха Свята́го, Го́спода, Животворя́щаго, И́же от Отца́ исходя́щаго, И́же со Отце́м и Сы́ном спокланя́ема и сславима, глаго́лавшаго проро́ки. Во еди́ну Святу́ю, Собóрную и Апóстольскую Цѣрковь. Исповѣдую еди́но Крещѣние во оставлѣние грехо́в. Чаю́ воскрѣсенія мѣртвых, и жи́зни бѣдущаго вѣка. Ами́нь.

Осла́би, оста́ви, прости́, Бóже, прегрѣшѣния на́ша, во́льная и нево́льная, я́же в сло́ве и в дѣле, я́же в вѣдении и не в вѣдении, я́же во днѣи и в но́щи, я́же во умѣ и в помышлѣнии: вся нам прости́, я́ко Благ и Человеколю́бец.

Отче наш, И́же еси́ на Небеса́х, да святи́тся и́мя Твое́, да приидет Цáрствие Твое́, да бѣдет во́ля Твоя́, я́ко на Небеса́х, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должникомъ на́шим; и не введи́ нас во искуше́ние, но изба́ви нас от лука́ваго.

[**Я**ко Твое́ есть Цáрство и си́ла и сла́ва во вѣки. Ами́нь. (Мф. 6: 9-13)]

Кондак святых, глас 3:

Священную двóицу просвети́телей на́ших почти́м,/ Божѣственных писáний преложѣнием исто́чник Богопозна́ния нам источи́вших,/ из него́же да́же доднесь неоску́дно почерпа́юще,/ ублажа́ем вас, Кири́лле и Мефодие,/ Престо́лу Вы́шняго предсто́ящих/ и тѣпле моля́щихся о душа́х на́ших.

Сла́ва, и ны́не:

Кондак Триоди (о слепом), глас 4:

Душе́вными очы́ма ослеплѣн,/ к Тебе́, Христѣ́, прихожду́,/ я́коже слепы́й от рождѣ́ния,/ пока́нием зову́ Ти:// Ты су́щих во тьме Свет пресвѣтлы́й.

Го́споди, помилуй. 12.

И молитву:

Всесвятая Троице, Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да вину славолю, пою, поклоняюся и глаголю: Един Свят, Един Господь, Иисус Христос, во славу Бога Отца. Аминь.

Буди Имя Господне благословено отныне и до века. Трижды.

Слава, и ныне:

Псалом 33:

Благословлю Господа на всякое время, вину хвалу Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа, и услыша мя, и от всех скорбей моих избави мя. Приступите к Немю и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Него. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй животи, любяй дни видети блага? Удержи язык твой от зла, и устне твои, еже не глаголати лести. Уклонися от зла и сотвори благо, взыщи мира и пожен и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренных духом спасет. Мнози скорби праведным, и от всех их избавит я Господь. Хранит Господь вся кости их, ни единая от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

Ангел вопиаше Благодатней: Чистая Дево, радуйся! И паки реку: радуйся! Твой Сын воскрес тридневен от гроба, и мертвыя воздвигнувший: людие, веселитесь.

Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Слава, и ныне:

Господи, помилуй. Трижды. Благослови.

Отпуст

Воскресый из мертвых, Христэ, истинный Бóже наш, молитвами Пречистой Твоея Матере, святых слáвных и всехвальных Апóстол, преподóбных и богонóсных отéц нáших, святых равноапóстолов Мефодия и Кирилла, учителей Словенских, святых и прáведных богоотéц Иоакима и Áнны, и всех святых, помилуй и спаси нас, я́ко Благ и Человеколюбец.

Христос воскрес из мертвых, смертью смерть поправ и сущим во гробех живот даровав. Трижды.

И нам дарова живот вечный, покланяемся Его триднóвному Воскресению.

Великаго господина и отца нашего Кирилла, Святэйшаго Патриарха Москóвскаго и всея Русí, и господина нашего высокопреосвященнейшаго **имярек, митрополита [**или:** архиепíскопа; **или:** преосвященнейшаго **имярек**, епíскопа] [**егоже есть óбласть**], настоятеля, брáтию и прихожан святаго хра́ма нашего, домочáдцы наша и вся правосла́вныя христиáны, Господи, сохрани их на мно́гая лéта.**

КОНЕЦ И БОГУ СЛАВА.